

KAEDAH 802 OBLIGASI BERHUBUNG DENGAN PENGUMUMAN

KAEDAH 802.1 OBLIGASI

- (1) Peserta yang membuat Pengumuman mestilah memastikan bahawa maklumat yang disiarkan adalah sebagaimana berikut:
 - (a) berdasarkan fakta, jelas, nyata dan tepat; dan
 - (b) tidak palsu, mengelirukan atau memperdaya.
- (2) Bursa Bonds boleh mengarahkan Peserta untuk menarik balik atau mengubah atau menukar tarikh tamat Pengumuman jika ia sifatkan perlu.
- (3) Bursa Bonds, dengan membenarkan Peserta menyiarkan Pengumuman dalam ETP, tidak mengesahkan ketepatan atau kebenaran maklumat yang disiarkan. Oleh hal yang demikian, Bursa Bonds tidak bertanggungjawab terhadap apa-apa kehilangan atau kerugian yang ditanggung oleh mana-mana pihak yang berbangkit daripada pergantungan pada apa-apa Pengumuman yang disiarkan dalam ETP.
- (4) Peserta bertanggungjawab terhadap semua Pengumuman yang dibuat oleh Peserta itu dalam ETP. Berkenaan dengan hal ini, Peserta akan menanggung rugi Bursa Bonds terhadap semua kehilangan atau kerugian yang ditanggung oleh Bursa Bonds yang berbangkit daripada Pengumuman Peserta walaupun jika Pengumuman itu dibuat oleh Peserta bagi pihak lain.

KAEDAH 803 PENGGANTUNGAN PENGUMUMAN

KAEDAH 803.1 HAL KEADAAN

- (1) Bursa Bonds boleh menggantung Peserta daripada membuat Pengumuman dalam hal keadaan berikut:
 - (a) berhubung dengan saham tertentu, jika saham itu telah digantung dalam FAST; atau
 - (b) dalam hal keadaan yang dinyatakan dalam Kaedah 201.19(d) dan Kaedah 202.

[Bab Tamat]